



Program Ijazah Sarjana Muda Pengajian Warisan Dengan Kepujian

Elektif: **Seni Persembahan** Tempoh Pengajian: 8 Semester (4 Tahun)

SINOPSIS PROGRAM

Jabatan Pengajian Warisan menawarkan salah satu program yang diiktiraf di rantau ini. Program ini direka untuk memberi tumpuan kepada pancaindera yang terlatih, memberi ruang untuk bertindak inovatif dan mengarahkan serta memenuhi dan mengatasi cabaran prestasi.

Bidang Seni Persembahan menawarkan peluang pembelajaran dalam disiplin ilmu berkaitan ilmu persembahan seni tari, seni lakon, dan seni muzik berasaskan skop warisan tempatan untuk melahirkan graduan yang berketerampilan, berpengetahuan, memahami dan menghayati seni warisan secara teknikal, inovatif, kreatif dan beretika melalui pendekatan yang mampan. Proses pengajaran dan pembelajaran dilaksanakan

secara teori dan praktikal menerusi kaedah pengajaran kuliah, studio, bengkel, amali di industri, pembangunan dan penghasilan produk, persembahan produksi dan penyelidikan ilmiah bagi memenuhi keperluan bergraduasi. Pencapaian pelajar akan dinilai menerusi kaedah Penilaian Berterusan dan Peperiksaan. Peluang kerjaya dalam bidang ini meliputi Pengurusan Produksi Kreatif, Pengarah Kreatif, Penulis Kreatif, Penulis Skrip Produksi, Pelakon, Pereka Tari, Ahli Seni Persembahan Profesional, Juruacara, Penyelidik, Ahli Perunding, Pegawai Kesenian dan Kebudayaan, Usahawan dan Pendidik.

Ijazah Sarjana Muda Pengajian Warisan dengan Kepujian dalam bidang seni persembahan menawarkan kursus-kursus teori dan praktikal

yang komprehensif seperti kursus berkaitan teater tradisional yang memfokus kepada seni teater tradisional Melayu dan Kelantan, lakonan dan pengarah pentas dan muzik ensemble. Disamping itu turut menawarkan kursus berteraskan teknologi industri dan keusahawanan seperti kursus pengurusan seni dan produksi, teknologi pembuatan alat muzik dan sinografi. Kursus-kursus ini direka sebegitu rupa agar ia berupaya menghasilkan insan yang berkemahiran, berilmu dan mempunyai jati diri yang jitu dalam bidang seni persembahan, berupaya memenuhi keperluan dan tuntutan industri disamping menjadi usahawan seni yang berjaya di dalam bidang seni persembahan.

